

**KANTONALNA  
PRIVREDNA  
KOMORA  
TUZLA  
BROJ 10/14,  
Oktobar 2014.  
godine**

# **KOMORSKI INFORMATOR**



KONSTITUIRAJUĆA SJEDNICA UO  
KOMORE



POTPISAN PROTOKOL O  
SARADNJI KOMORE  
I RTVTK



STARTAO "MILK LAND"



ODRŽAN SAJAM "ZDRAVO,  
DOMAĆE, PRIRODNO"

**Izdavački savjet:**

1. Nedret Kikanović, član
2. Mirsad Kukić, član
3. Bajazit Jašarević, član
4. Suad Selimović, član
5. Nurudin Žunić

**Redakcijski kolegij:**

1. Nedret Kikanović, član
2. Esad Arnautović, član
3. Nurudin Žunić, član
4. Suad Selimović, član

**Izdavač:**

Kantonalna privredna  
komora Tuzla

**Gl. i odgovorni urednik:**

Dino Kalesić

**Tehnička priprema,  
repro i štampa:**

"GRIN" d.o.o. Gračanica

**Za Štampariju:**

Anan Imerović, direktor

**Tiraž:**

500 primjeraka.


**Adresa:**

Trg slobode bb  
e-mail: [kpktz.ba@bih.net.ba](mailto:kpktz.ba@bih.net.ba)  
<http://www.kpktz.ba>

	<b>KONSTITUIRAJUĆA SJEDNICA UO KOMORE</b>	<b>4</b>
	<b>POTPISAN PROTOKOL O SARADNJI KOMORE I RTVTK</b>	<b>5</b>
	<b>SJEDNICA ODBORA GRUPACIJE ZA UNUTAŠNJI PROMET PUTNIKA</b>	<b>6</b>
	<b>STARTAO "MILK LAND"</b>	<b>7</b>
	<b>STUDIJA ENERGIJSKE UČINKOVITOSTI JAVNIH OBJEKATA TK</b>	<b>8</b>
	<b>SA RADOM POČELA "IPI AKADEMIJA"</b>	<b>9</b>
	<b>ODRŽAN SAJAM "ZDRAVO, DOMAĆE, PRIRODNO"</b>	<b>10 i 11</b>
	<b>ODRŽAN „ZEPS 2014“</b>	<b>12</b>
	<b>POSAO U RUDNIKU „KREKA“ ZA 87 LJUDI</b>	<b>13</b>
	<b>B&amp;H STAINLESS GRADI PROIZVODNU HALU U TUZLI</b>	<b>14</b>
	<b>KLJUČNA ULOGA OPERATERA SISTEMA UPRAVLJANJA AMBALAŽNIM OTPADOM</b>	<b>15</b>
	<b>„ETHERNET VOD“ OD 1. NOVEMBRA</b>	<b>16 i 17</b>
	<b>USAVRŠAVANJE ZA ČLANOVE NADZORNIH ODBORA I UPRAVA</b>	<b>18</b>



## Poštovani čitaoci!



Brojne sajamske manifestacije, kao mjesto susreta i mogućnosti ostvarivanja novih poslovnih kontakata, svakako i čvrstih prijateljstava značajna su aktivnost privrednih komora a u cilju pružanja usluga svojim članicama. Ako je suditi po onima na kojima Kantonalna privredna komora Tuzla rado predstavlja svoje članice, privredne subjekte sa područja Tuzlanskog kantona, cilj je postignut. Predstavljena je privreda, privrednici su zadovoljni, komora ispunjava jednu od svojih obaveza prema privredi. Posebno, ako imamo u vidu sajam u Virovitici sa početka godine, te nedavno završen sajam u Zaječaru pod nazivom "Zdravo, prirodno, domaće", inače treći međunarodni sajam tradicionalnih domaćih proizvoda, onda u velikoj mjeri postoji opravdanost optimizma u opstanak i jačanje komorskog sistema šire regije. Nekako na otvaranju sajamske sezone u januaru te evo na skorom zatvaranju sada u Zaječaru (još samo nastup na sajmu u Brčko Distriktu), impresije su slične. Sve što je učinjeno u organizaciji sajma u Zaječaru, a organizator je Regionalna privredna komora Zaječar, ulijeva nadu da će privrednici imati još jedno veoma značajno i kvalitetno mjesto za predstavljanje svog proizvodnog programa, povezivanje, razmjenu iskustava, proširivanje vidika, sklapanje dugotrajnih prijateljstava iz kojih će sigurno izaći i kvalitetnija poslovna saradnja. Sam pristup organizaciji, doček, gostoprimstvo, programski sadržaji, prateće aktivnosti, zaslužuju u Zaječaru najvišu ocjenu i zasigurno su temelj očekivanja da će naredni period donijeti sve veći broj izlagača, još veći sajamski prostor, donijeti tradiciju organizovanja sajma u domaćinskom, prijateljskom i visokoprofesionalnom duhu. Regionalna privredna komora Zaječar kao organizator, sa ekipom izvanrednih entuzijasta, stručnjaka, profesionalaca, ljudi spremnih dočekati, pomoći, učiniti maksimalne napore da se posao odradi na najbolji mogući način, zaslužuju najviše ocjene. .

Predvođeni Dejanom Tošićem predsjednikom Komore, svi uposlenici su od prve minute utkali sebe u jedan projekat koji žive, koji će na svojim leđima nositi zasigurno još dugo i koji će bez ikakve sumnje, iz godine u godinu, dizati na sve viši nivo. Pored ovog bogatog iskustva, za period između dva Komorska informatora, veže se i nastup na 21. generalnom bh sajmu „ZEPS 2014“. U Zenici je Komora svoje članice predstavila kataloški na zajedničkom izložbenom prostoru u organizaciji Vanjskotgovinske komore BiH.

Bilježimo i početak nastave na Visokoj školi za savremeno poslovanje, informacione tehnologije i tržišne komunikacije "Internacionalna poslovno informaciona akademija" Tuzla. Uz aktivnosti unutar firmi članica Komore te komorskih udruženja, značajno je pomenuti da je Udruženje za poljoprivredu i prehrambenu industriju Kantonalne privredne komore Tuzla, ozvanilo početak rada poljoprivredne zadruge proizvođača mlijeka TK-a pod nazivom "Milk land". Kantonalna privredna komora Tuzla i Radio televizija Tuzlanskog kantona su i prethodnom periodu imali dobru saradnju. Iako zadovoljni dosadašnjim odonositima a sa ciljem i težnjama da saradnja bude još kvalitetnija, rukovodioci ovih kuća potpisali su sredinom oktobra Protokol o unapređenju saradnje. Opširnije o ovim i drugim temama pišemo u našo novini "Komorski informator" izdanje za oktobar...



Dino Kalesić  
gl. i odg. urednik



Formiran Upravni odbor Komore...

**KONSTITUIRAJUĆA SJEDNICA UO KOMORE**

Obavljen je izbor predsjednika i zamjenika predsjednika UO Izabran dopredsjednik Kantonalne privredne komore Tuzla Potpisan protokol o saradnji sa RTVTK – Komora priprema elektronsku publikaciju



Konstituisan je Upravni odbor Kantonalne privredne komore Tuzla za mandatni period 2014-2018. godine, obavljen je izbor predsjednika i zamjenika predsjednika Upravnog odbora, izbor potpredsjednika Kantonalne privredne komore Tuzla a donesene su i Programske smjernice za rad Upravnog odbora Kantonalne privredne komore Tuzla za 2014-2018.godinu. Za predsjednika Upravnog odbora Kantonalne privredne komore Tuzla izabran je jednoglasno dr sc. Mirsad Kukić, dipl.ing. rudarstva iz RMU "Banovići" doo Banovići a za njegovog zamjenika dr sc. Izet Džananović, dipl.ing.el. iz JP EP BiH Termoelektrana „Tuzla“ Tuzla, također jednoglasno. Kako Statu nalaže da predsjednik Komore predloži Upravnom odboru svog zamjenika, Nedret Kikanović je za dopredsjednika Komore predložio mr Esada Arnautovića diplomiranog inženjera tehnologije. UO Komore je ovaj prijedlog jednoglasno prihvatio pa se odmah nakon toga pristupilo razmatranju predloženog dokumenta kojim su zacrtane smjernice rada ovog komorskog tijela za naredni period.

inicijativa zvanično upućena Vijeću ministara BiH. Iako je 20 % uistinu velik preferencijal koji bi, generalno, znatno poskupio radove i opremu ipak to bi bila i svojevrsna ulaganja u očuvanje postojećih i otvaranje novih radnih mjesta. Učesnici skupa u rudniku Šikulje su stava da poplava koja je zahvatila ovo područje, istovremeno može biti i šansa za domaću privredu.



Nakon diskusije Upravni odbor Komore jednoglasno je, sa manjim korekcijama, usvojio Programске smjernice za rad Upravnog odbora Kantonalne privredne komore Tuzla za 2014-2018. godinu. Nedret Kikanović, predsjednik Komore je članove ovog komorskog tijela, informisao o potpisivanju Protokola o međusobnoj saradnji između JP Radio televizije Tuzlanskog kantona i Komore koji važi do kraja juna 2015. godine. Takođe, sve prisutne je obavijestio o emisiji iz privrede „Bilans“ koja će se emitovati svakih 15 dana a koju će zajednički pripremati RTVTK i Komora sa svojim članicama. Kako je istaknuto na sastanku, Stručna služba Kantonalne privredne komore Tuzla priprema elektronsku publikaciju „Investicijski potencijali i mogućnosti Tuzlanskog kantona i pogodnosti za investitore“ koju će nakon prezentacije na kolegiju, dostaviti članovima Upravnog odbora, kako bi članovi UO mogli istu korigovati prije promocije. Enver Omazić, predsjednik Skupštine Komore čestitao je članovima Upravnog odbora na konstituisanju Upravnog odbora Kantonalne privredne komore Tuzla za mandatni period 2014-2018.godina i poželio uspješan rad.



**Upravni odbor Kantonalne privredne komore Tuzla:**

Upravni odbor Komore će za mandatni period 2014-2018. godine činiti (Izet Džananović JP EP BiH DD Sarajevo - Termoelektrana „Tuzla“ Tuzla), Nusret Kurtalić (JP EP BiH DD Sarajevo – Podružnica Elektrodistribucija Tuzla), Mirsad Kukić (RMU "Banovići" doo Banovići), Miralem Jahić (BH Telecom dd Sarajevo Direkcija Tuzla), Edim Džambić ("Omega" doo Živinice), Izet Imamović ("Fabrika cementa" dd Lukavac), Mun- ever Novalić (IMK "Kula" doo Gradačac), Fahrudin Salihović ("Pivara" dd Tuzla), i Adnan Imerović („Grin“ doo Gračanica)

D.K.



Saradnja sa medijskim kućama...

## POTPISAN PROTOKOL O SARADNJI KOMORE I RTVTK

Dugogodišnja kvalitetna saradnja - Baza za gradnju budućih odnosa - Prezentacija pozitivnih primjera iz privrede TK - Afirmacija uspješnih privrednih subjekata – Kantonalna privredna komora Tuzla i Radio televizija Tuzlanskog kantona su i prethodnom periodu imali dobru saradnju. Iako zadovoljni dosadašnjim odnosima a sa ciljem i težnjama da saradnja bude još kvalitetnija, rukovodioci ovih kuća potpisali su sredinom oktobra Protokol o unaprijeđenju saradnje. Potpisnici Protokola su predsjednik Komore Nedret Kikanović i direktorica RTVTK Edina Isaković.



“Kantonalna privredna komora Tuzla i Radio televizija Tuzlanskog kantona imaju zaista dugogodišnju uspješnu saradnju. Protokol koji smo potpisali zapravo je dokaz svega onoga što smo i kako smo radili u proteklom periodu. Istovremeno, ovaj dokument će baza na kojoj ćemo graditi buduće odnose, razvijati našu saradnju, unaprijediti je i u narednom periodu pokrenuti zajedničke projekte”, izjavila je direktorica Isaković. Kako je istakla, planovi su u vrlo skoroj budućnosti vezani za predstavljanje privrede Tuzlanskog kantona u najboljem svjetlu, prezentacija onoga što privreda može ponuditi i što može privući investitore u ovu regiju. “Ono što je naš cilj jeste promocija privrede i privrednika sa područja Tuzlanskog kantona. Naša kuća je putem emisije iz privrede pod nazivom “Bilans”, otvorila prostor da govorimo afirmativno o projektima i aktivnostima koje vodi privreda Tuzlanskog kantona. Naravno, sve to u cilju da javnosti pošaljemo jednu drugu, bolju sliku. Da ispričamo priču o privredi u kojoj nije sve tako crno, da ima pozitivnih, uspješnih primjera i da upravo tim i takvim privrednicima damo prostora. Želimo im dati priliku da kažu sa kojim se problemima susreću u radu, da promoviramo ono što rade, da pokažemo primjere otvaranja novih

radnih mjesta, da kažemo kako ima uspješnih kolektiva koji su svijetla tačka Tuzlanskog kantona”, rekla je Edina Isaković direktorica RTVTK.



Iz Kantonalne privredne komore Tuzla su i ranije upućivani prijedlozi za ovakvu saradnju, za zajednički pristup privrednim subjektima, upućivan je poziv da se iz institucije koja predstavlja privredu Tuzlanskog kantona, crpe informacije o firmama, uspješnim privrednicima, projektima, poslovnim idejama. “Mi smo u Kantonalnoj privrednoj komori Tuzla svjestni značaja i uticaja medija na društvo u cjelini. S tim u vezi, ove dvije kuće su potpisnici jednog dokumenta koji ima za cilj promovirati privredu Tuzlanskog kantona, uspješne poduzetnika predstaviti tom društvu, javnosti. Želimo kvalitetnije predstaviti one koji imaju poslovne rezultate koji otvaraju radna mjesta, zapošljavaju, razvijaju privredu. Svjesni smo da bez privrede nema ni razvoja društva pa sukladno tome razvijamo i naše odnose, odnose Kantonalne privredne komore Tuzla i Radio televizije Tuzlanskog kantona, a u cilju davanja doprinosa unaprijeđenju privrednih kretanja na području Tuzlanskog kantona. Želimo našu javnost bolje, kvalitetnije upoznati sa uspjesima privrednika koji su u njihovom okruženju a za koje možda nisu znali”, izjavio je Nedret Kikanović, predsjednik Kantonalne privredne komore Tuzla. Saradnja Komore i Televizije je intenzivirana i zabilježeni su zajednički nastupi tokom privrednih susreta organizovanih u Kraljevu kojima su prisustvovali predstavnici RTVTK, na sajamskoj manifestaciji u Zaječaru na kojoj je uz privredne subjekte, članice Komore, predstavljena i RTVTK a nastaviti će se ovaj vid saradnje već na prvoj narednoj sajamskoj manifestaciji, na 13. međunarodnom sajmu privrede “Brčko 2014”.

D.K.



## SJEDNICA ODBORA GRUPACIJE ZA UNUTAŠNJI PROMET PUTNIKA

Redovna sjednica Odbora – Razmatran Pravilnik o izmjenama i dopunama Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra – Primjedbe upućene Ministarstvu za promet i komunikacije Vlade Federacije Bosne i Hercegovine



Sekcija za unutrašnji promet putnika, Udruženja za promet i komunikacije Kantonalne privredne komore Tuzla, upriličila je redovnu sjednicu. Na sjednici je razmatran Pravilnik o izmjenama i dopunama Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra. Članovi Sekcije su donijeli zaključke koji su upućeni Ministarstvu za promet i komunikacije Vlade Federacije Bosne i Hercegovine. Između ostalog a uz priložena obrazloženja, zahtijevali su brisanje, izmjenu ili dopunu određenih članova Pravilnika. **„Kada je u pitanju pojam “Prigovor”, on predstavlja radnju u pojedinim dijelovima postupka usklađivanja prijavljenih redova vožnje kojim prijevoznik-prigovarač putem mjerodavnog ovlaštenog predstavnika, u skladu sa odredbama ovog Pravilnika, iskazuje svoje neslaganje na predloženi red vožnje drugog prijevoznika tokom Prvog i Drugog čitanja prijedloga redova vožnje. Ovakvim definisanjem pojma „Prigovor“ izbjegle bi se određene poteškoće do kojih može doći u toku procesa usklađivanja koje mogu biti prouzrokovane neosnovanim prigovorima. Imamo primjedbe i kada je u pitanju pojam “Stalna linija”. Tu je riječ o liniji na kojoj se prijevoz održava u cijelom periodu važenja reda vožnje“ Ovim definisanjem pojma „Stalna linija“ izbjegava se dodatno objašnjenje koje je uključeno u pojmovima „Režim održavanja“ i**

„Period održavanja“, rekao je Bajro Halilčević predsjednik Odbora Sekcije. Dodao je da su upućene primjedbe na određene dijelove usklađivanja redova vožnje a u cilju smanjenje transportnih troškova i eliminisanja neloyalne konkurencije.



Članovi Odbora Sekcije su stava da je u izmjenama Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra (Službene novine FBiH broj: 79/13) potrebno jasno definisati koji su uslovi kooperacije, da se prilikom kooperativnog održavanja linije, kooperanti sporazumom ili ugovorom vežu koje tačno polaske i povratke će koji od njih održavati i da ti polasci ili povratci budu jasno navedeni na prijedlogu reda vožnje koji se usklađuje. Takođe, potrebno je da se u slučaju neurednog održavanja polazaka ili povrataka, navedeni polazak i povratak briše, a ne da se prebacuje na kooperanta. Navedenim načinom dodatnog objašnjenja pojma kooperacije riješili bi se brojni problemi oko pitanja kooperacije, koji su vrlo štetni za poslovanje prijevozničkih preduzeća koja se bave prijevozom putnika. Bilo je na sjednici riječi i o razvrstavanju linija po rangovima, broju vozača koji održavaju red vožnje u toku jednog polaska/povratka, održavanju redova vožnje u vrijeme školskih raspusta. Usvajanjem navedenih primjedaba bi se tačno definisao režim održavanja linije u vrijeme školskih raspusta. Kantonalne linije za vrijeme školskih raspusta vrše redukciju redove vožnje za oko 50 %, zbog manjeg broja putnika. Pravilnik je već sačinjen, u fazi je u usvajanja i za očekivati je da će biti prostora za usvajanje jednog dijela primjedaba koje su, iako u posljednji čas, uputili članovi Odbora Sekcije za unutrašnji promet putnika koja djeluje pri Udruženju za promet i komunikacije Kantonalne privredne komore Tuzla.

D.K.



Počela sa radom zadruga

## STARTAO "MILK LAND"

Poljoprivredna zadruga proizvođača mlijeka - Pokrenut proces upisa proizvođača mlijeka u knjigu zadrugara



Udruženje za poljoprivredu i prehrambenu industriju Kantonalne privredne komore Tuzla, ozvaničilo je početak rada poljoprivredne zadruge proizvođača mlijeka TK-a pod nazivom "Milk land". Također, pokrenut je proces upisa proizvođača mlijeka u knjigu zadrugara koji žele poslovati putem zadruge i tako zaštititi svoje interese. Do sada je prijavljeno više od 50 proizvođača mlijeka koji će se upisati u Knjigu zadrugara, a koji raspolažu sa ukupnom proizvodnjom mlijeka od 10 hiljada litara dnevno. **"Mi ćemo da udružimo velike i male proizvođače mlijeka i one koji imaju pet i one koji imaju 50 krava. Na taj način ćemo se zaštititi od prerađivača mlijeka jer su nas oni do sada razjedinili, napravili teškoće u radu, oni nam određuju cijenu kako oni hoće a ova zadruga to više neće dozvoliti i djelovat ćemo jedinstveno. Nas ima trenutno više od 50 otkupljivača mlijeka i od ovog momenta zvanično sa radom počinje zadružna knjiga. Prerađivači nam ne mogu raditi to što su radili dosada"**, rekao je Halid Osmančević, predsjednik zadruge Milk land" proizvođača mlijeka. Kantonalna privredna komora Tuzla im daje podršku u edukaciji o zadružnom poslovanju koje nudi velike prednosti i brojne mogućnosti. Proizvodnja mlijeka na TK zapošljava veliki broj stanovnika ruralnog područja. Ovom proizvodnjom u liniji otkupa mlijeka za industrijsku preradu bavi se 987 poljoprivrednih gazdinstava, koji u vlasništvu imaju 3.286 muznih grla i godišnje proizvedu 17,2 miliona litara mlijeka. **"Zadruge su rješenje kad su u pitanju mali proizvođači i usitnjeni posjedi te očekujemo da će uspješno startati sa radom prva zadruga mljekara. To će za naše**

proizvođače značiti da će oni potpuno vladati svojim proizvodom, odgovoriti za njegov kvalitet i ugovorenu količinu koju je potrebno isporučiti prerađivaču. Na taj način će i sebi obezbijediti sigurnost i stabilnost na svojim farmama", kazao je Suad Selimović, predsjednik komorskog Udruženja.



Kantonalna privredna komora Tuzla, kako je Selimović rekao, pokušava da da punu podršku kad je u pitanju edukacija o zadružnom poslovanju i primjeni zadružnih načela koja su postala načela na svjetskom zadružnom kongresu 1992. u Tokiju, a odnose na to da svaki zadrugar ima pravo znati o poslovanju svoje zadruge. Inače, proizvodnja mlijeka na TK-a zapošljava veliki broj stanovnika ruralnog područja. Svjedoci smo gašenja Tuzlanske mljekare i najave udara viškova mlijeka iz EU, povučenog sa ruskog tržišta, sva ova dešavanja direktno utiču na domaću proizvodnju mlijeka, koja se odražavaju kroz smanjenje cijene mlijeka u otkupu. **"Trpimo jedan veliki udar na domaću proizvodnju od mlijeka iz EU koje se uvozi putem cisterni i mlijeko se kao takvo pakuje u našim prerađivačkim kapacitetima u BiH, a plasira se na tržište kao proizvedeno u BiH. Međutim, poljoprivredni proizvođači su svjesni toga i želimo da to kažemo i stanovništvu i svim potrošačima da to mlijeko koje se nalazi u tom pakovanju, nije mlijeko sa farmi iz BiH. Zbog toga moramo imati zadruge i razvijeno zadružno poslovanje"**, poručio je Selimović.

D.K.



## STUDIJA ENERGIJSKE UČINKOVITOSTI JAVNIH OBJEKATA TK

Uvođenje energetske učinkovitosti u javni sektor - Podaci prikupljeni od ukupno 378 javnih objekata –



Promocija Studije energetske učinkovitosti javnih objekata Tuzlanskog kantona održana je u Kantonalnoj privrednoj komori Tuzla. Cilj ovog dokumenta jeste uvođenje energetske učinkovitosti u javni sektor, te uvođenje Informacionog sustava za upravljanje energijom (EMIS) u svim javnim objektima, smanjenje emisija CO<sub>2</sub>, očuvanje ograničenih resursa, uštede sredstava, bolji kvalitet života, mogućnost zaposlenja – “zelena radna mjesta” i povećanje informiranosti i razumijevanja energetske učinkovitosti. **“Studija je dio našeg zajedničkog projekta koji imamo sa UNDP-om po kojem smo potpisali prvo sporazum a onda i ugovor o izradi određenih poslova. Prvo je bilo planirano da budu obuhvaćeni samo javni objekti u nadležnosti Vlade TK, međutim poslije smo proširili taj projekat na javne objekte općina. Prezentirali smo Studiju koja je urađena na osnovu analize podataka prikupljenih od ukupno 378 javnih objekata na području našeg kantona”**, rekao je Goran Mišić, pomoćnik ministra prostornog uređenja i zaštite okolice u Vladi Tuzlanskog kantona. Ovim činom završena je jedna faza Sporazuma koji su u septembru 2013.godine potpisali Ministarstvo prostornog uređenja i zaštite okolice i UNDP, a čija je ukupna vrijednost 312.000 KM. Studija na detaljan način prikazuje trenutno stanje i potrošnju ovih objekata s aspekta energetske efikasnosti, te količinu i smjer budućeg ulaganja kako bi se ovi objekti učinili ekološki prihvatljivim. Kako je istaknuto tokom prezentacije, implementacijom ove studije objekti bi zadovoljili zahtjeve i mogli bi biti smješteni u energetske prihvatljivu „C” klasu, za razliku od trenutne „E” klase koja podrazumijava rastrošne objekte.

**„Realizacija ovog projekta za konačni cilj, ima smanjenje stakleničkih plinova i plinova koji izazivaju kisele kiše, smanjenje izdataka za energiju koji se plaćaju iz Budžet TK, a otvaraju se i mogućnosti novih zaposlenja”**, istakao je Zvezdan Karadžin ministar prostornog uređenja i zaštite okolice.



**“Studija pokazuje koliko trenutno energije troše javni objekti. Na osnovu te studije pristupamo izradi plana povećanja energetske efikasnosti koja će biti u skladu sa novim zakonom koji je već u nacrtu zakona o energetske efikasnosti FBiH. Taj zakon podrazumijeva da je svaki kanton u obavezi da izradi plan povećanja energetske efikasnosti dok je TK među prva dva koji će imati takav plan a što je preduslov za dobijanje sredstava od Fonda za zaštitu okoliša FBiH”**, kazao je Siniša Rodić, voditelj projekta Zeleni ekonomski razvoj UNDP BiH. Stručnu podršku u izradi studije dao je i CRP a prema riječima Marka Nišandžića iz Centra za razvoj i podršku Tuzla, ovo je jedan od najsveobuhvatnijih dokumenata koji obrazlaže i pokazuje stanje energetske efikasnosti na javnim objektima i bazni dokument za dalje planiranje. **“Ovo je dokument za sistemski pristup poboljšanja energetske efikasnosti, prije svega, u javnim objektima gdje mi novac iz budžeta trošimo za plaćanje energije, električne energije i energije za grijanje. Ova studija pokazuje koliko je isplativo ulagati u objekte i koliko će se smanjiti budžetski troškovi ukoliko mjere energetske efikasnosti implementirano u ove objekte”**, rekao je Nišandžić. Nakon promocije Studija je uručena prisutnim predstavnicima ministarstava i općina Tuzlanskog kantona. Ono što je još značajno istaći da ni državni ni entitetski nivoi nisu poduzeli značajne korake za razvijanje programa i strategija koje su tražene potpisanim sporazumima i ugovorima. S tim u vezi prezentacija u Komori je pokazatelj da je Tuzlanski kanton lider na polju energetske efikasnosti u Federaciji BiH, a ova Studija će poslužiti kao dobar osnov za dalje aktivnosti u ovom pravcu.

D.K.





Početak nastave na visokoj školi za savremeno poslovanje

## SA RADOM POČELA "IPI AKADEMIJA"

Prvi i jedini projekt ovakve vrste u najmnogoljudnijem bh kantonu - ponos i velika pretpostavka i šansa razvoja Tuzle i TK-a - planiran upisi 140 studenata na sva tri studijska programa -



Početak nastave na Visokoj školi za savremeno poslovanje, informacione tehnologije i tržišne komunikacije "Internacionalna poslovno-informaciona akademija" Tuzla, danas je obilježen svečanošću kojoj su prisustvovali predstavnici menadžmenta i nastavnog kadra "IPI akademije", te brojne zvanice iz javnog, političkog i privrednog života Tuzle i Tuzlanskog kantona. IPI akademija je, po riječima direktora Damira Bećirovića, licencirala tri studijska programa i već je izvršila upis prve generacije studenata na tri studijska programa, a to su informacione tehnologije, savremeno poslovanje i informatički menadžment i tržišne komunikacije. Radi se o studijskim programima koji su koncipirani na način da se slijede savremeni trendovi u oblasti visokog obrazovanja. **"Vrlo bitna stavka je ispitivanje tržišta rada, jer je naša želja da kreiramo buduće diplomante koji se neće dugo zadržavati na birou, nego će se vrlo aktivno uključiti u sam proces rada, odnosno da mogu biti konkurentni na tržištu. Stoga su naši studijski programi koncipirani da naši studenti ovladaju praktičnim vještinama i znanjima, koji će im omogućiti da prilikom dolaska na buduće radno mjesto mogu biti od koristi svojim poslodavcima.** Zato je i naš slogan 'Studij po mjeri poslodavca', kazao je Bećirović, koji je studentima danas simbolično uručio indekse, čime je nastava na ovoj visokoj školi zvanično i počela.



Predsjednik Upravnog odbora Akademije Hamza Šarić, ističe da je ovo prvi i jedini projekt ovakve vrste u najmnogoljudnijem bh kantonu, iako postoje egzaktni podaci da oko 5.000 studenata s ovog područja studira širom BiH. **"Ne treba zaboraviti da se razvojem visokog obrazovanja omogućava društveni, kulturološki i privredni napredak zemlje kroz stvaranje pozitivnog ozračja koje omogućava stabilan razvoj nauke, struke i stručnjaka na kojima se temelji održivi razvoj privrede i ukupan razvoj ove zemlje"**, podvlači Šarić. Također, izrazio je očekivanje da će ova visokoškolska ustanova biti ponos svima i velika pretpostavka i šansa razvoja Tuzle i TK-a. Predsjednik Kantonalne privredne komore Tuzla Nedret Kikanović, siguran je da će napredne tehnologije i program ove akademije donijeti značajne rezultate u obrazovnom sistemu TK-a. **"Mi podržavamo ovakav način obrazovanja i mislim da će praktični dio koji ova akademija ima biti veoma značajan za razvoj privrede TK"**, kazao je Kikanović te zvanično proglasio početak rada Akademije.



Kako je saopćila "promus media" Tuzla, na prvu godinu akademije bio je planiran upisi 140 studenata na sva tri studijska programa, a ostala je još trećina slobodnih mjesta. Školarina u jednu godinu studija iznosi 1.800 KM.

D.K.



Privreda TK na sajmu u Zaječaru

ODRŽAN SAJAM “ZDRAVO, DOMAĆE, PRIRODNO”

Vrhunska organizacija sajma - Nada u jačanje komorskog sistema šire regije - Idealno mjesto za nove poslovne saradnje. Treći međunarodni sajam tradicionalnih domaćih proizvoda.



Brojne sajamske manifestacije, kao mjesto susreta i mogućnosti ostvarivanja novih poslovnih kontakata, svakako i čvrstih prijateljstava značajna su aktivnost privrednih komora a u cilju pružanja usluga svojim članicama. Ako je suditi po onima na kojima Kantonalna privredna komora Tuzla rado predstavlja svoje članice, privredne subjekte sa područja Tuzlanskog kantona, cilj je postignut. Predstavljena je privreda, privrednici su zadovoljni, komora ispunjava jednu od svojih obaveza prema privredi. Posebno, ako imamo u vidu sajam u Virovitici sa početka godine, te nedavno završen sajam u Zaječaru pod nazivom “Zdravo, prirodno, domaće”, inače treći međunarodni sajam tradicionalnih domaćih proizvoda, onda u velikoj mjeri postoji opravdanost optimizma u opstanak i jačanje komorskog sistema šire regije. Nekako na otvaranju sajamske sezone u januaru te evo na skorom zatvaranju sada u Zaječaru (još samo nastup na sajmu u Brčko Distriktu), impresije su slične. Sve što je učinjeno u organizaciji sajma u Zaječaru, a organizator je Regionalna privredna komora Zaječar, ulijeva nadu da će privrednici imati još jedno veoma značajno i kvalitetno mjesto za predstavljanje svog proizvodnog programa, povezivanje, razmjenu iskustava, proširivanje vidika, sklapanje dugotrajnih prijateljstava iz kojih će sigurno izaći i kvalitetnija poslovna saradnja. Sam pristup organizaciji, doček, gostoprimstvo, programski sadržaji, prateće aktivnosti, zaslužuju u Zaječaru najvišu ocjenu i zasigurno su temelj očekivanja da će naredni period donijeti sve veći broj izlagača, još veći sajamski prostor, donijeti tradiciju organizovanja sajma u domaćinskom, prijateljskom i visokoprofesionalnom duhu. Regionalna privredna komora Zaječar kao organizator, sa ekipom izvanrednih entuzijasta, stručnjaka, profesionalaca, ljudi spremnih dočekati, pomoći, učiniti maksimalne napore da se posao odradi na najbolji mogući način, zaslužuju najviše ocjene. Predvođeni Dejanom Tošićem predsjednikom Komore, svi uposlenici su od prve minute utkali sebe u jedan projekat koji žive, koji će na svojim leđima nositi zasigurno još dugo i koji će bez ikakve sumnje, iz godine u godinu, dizati na sve viši nivo.

Oduševljenje kompletnim događajem, od prijema, otvaranja vrata Nacionalne agencije za regionalni razvoj u kojoj je smješten sajam, svečanim otvaranjem sa visokim, uvažanim zvanicama, od pratećih sadržaja, završetka sajma sa zajedničkim fotografisanjem svih učesnika i dodjelom zahvalnica, podijelili su svi učesnici sajma. Poneseni su fantastični utisci, garant da će se i dogodine učestvovati na ovoj sajamskoj manifestaciji. Tek, treba pomenuti da su uz nešto više od stotinu izlagača iz Srbije, posebno iz Timočkog regiona, Zaječarskog i Borskog okruga, te Grčke, Bugarske, Rumunije, Makedonije, Slovenije i Austrije, u sajmu uživali i predstavnici Bosne i Hercegovine. Privredna komora Unsko-Sanskog kantona, Privredna komora Brčko Distrikta i Kantonalna privredna komora Tuzla organizovale su predstavljanje svojih članica i njihovih proizvodnih programa. Od ranije su poznate činjenice o privredi ovog kraja. Poznati su potencijali u brojnim prirodnim resursima, velikim rudnim i mineralnim bogatstvom, hidropotencijali, oduševljava i bogato prirodno i kulturnoistorijsko naslijeđe te opredijeljenost na šumska bogatstva, turizam i poljoprivredu. Na sajmu “Zdravo, prirodno, domaće” su u prvom planu bile posljednje pomenute dvije grane, turizam i poljoprivreda. Bogatstvo koje je garant razvoja i napretka cjelokupnog regiona. U takvom okruženju, bilo je prostora i za predstaviti ono što može ponuditi Tuzlanski kanton. U dva dana trajanja sajma, posjetioci na izložbenom prostoru “Privrede TK”, imali su priku prisustvovati prezentacijama proizvoda iz nekoliko firmi, proizvođača prehrambenih proizvoda.





Uz svesrdnu pomoć **Hotela Tuzla**, profesionalnog kuhara, somelijera i konsultanta Radoslava Jovanovića priređena je degustacija proizvoda Menproma. Proizvode od teltine, piletine, chili kobasice, tuzlanska roštiljska, "chef" Rade je pripremio u specijalnim začinima od bijelog luka, nekoliko okusa, proizvodom firme "**Bajron**" **Kladanj**, uz tuzlansku so i začin "**Do-Do**" **Solane Tuzla**. Služilo se sve uz peciva firme "**Veda**" **Srebrenik** u čijem je vlasništvu pekara "**Klas**" **Srebrenik**. Da se posebni domaći sirevi učine još posebnijim, zaslužno je čorokotovo ulje - ulje crnog kima pod nazivom "Nigellius" proizvod firme "**Porta Naturae**" **Srebrenik**, ulje koje je od ove godine i na policama u zemljama Evropske unije, kako ističe Mustafa Šabić direktor firme. Na bijelom kozjem siru, sa crnim uljem, isticali su se i višestruko nagrađivani za kvalitet "kornišoni" firme "**Fana**" **Srebrenik**. Bilo je tu i domaćih rakija od šljive, jabuke, kruške te nezaobilazni proizvodi "**Pivare**" **Tuzla**, pivo, Tuzlanski kiselj, Tuzlanska ledena.



Bilo je proizvoda i za najmlađe posjetioce a za to se pobrinula firma "**Corn flips**" **Srebrenik**, sve na izložbenom prostoru ukrašenom bosanskim čilimima, tapiserijama, ručnim radovima iz tuzlanskog "**Bosfama**". Posebnu pažnju plijenili su nesvakidašnji proizvodi od tikve koje priprema Obiteljsko poljoprivredno gospodarstvo „**Veselić**„ iz **Špiovice**, općina Srebrenik. Na sajmu je posjetioci privlačio bogat i kvalitetan asortiman OPG "Veselić" kojeg su činili ajvar i namaz od tikve, marmelada, slatko, kompot, sirup od tkve, sjemenke tikve golice i kolači od tikve. Na izložbenom sajamskom prostoru je posjetiocima prikazivan i film "Tuzlanski kanton Vaš poslovni partner" projekat Kantonalne privredne komore Tuzla, prezentovani su turistički potencijali Tuzlanskog kantona u prezentaciji iz **Turističke zajednice Tuzlanskog kantona** čiji direktor Nedret Fazlić je uspostavio brojne kontakte i u najboljem svjetlu predstavio turizam našeg kraja. Posjetioci mogli i pogledati reportaže RTVTK i TV "MiX" iz Kraljeva o posjeti privrednika Kraljeva Tuzli i privrednika Tuzlanskog kantona Kraljevu, privrednim susretima održanim tokom ljeta.



Obraćanje na otvaranju sajma

## DEJAN TOŠIĆ - predsjednik Regionalne privredne komore Zaječar

"Poštovani učesnici i posjetioci, uvaženi gosti, dragi prijatelji...Prije svega želio bih da Vas pozdravim u ime RPK Zaječar i u svoje lično ime. I ovom prilikom bih naglasio da Komorski sistem postoji duže od 150 godina a Regionalna privredna komora Zaječar, kao servis privrede više od 50. Naš osnovni cilj je biti što više u službi privrednog razvoja, odnosno biti pravi PARTNER privredi. Jedan od najboljih načina sigurno je i organizacija ovakvih vrsta manifestacija, tj. sajмова, gde se na jednom mestu prezentuje sve ono najbolje što neka opština ili grad imaju u svojoj ponudi, kako u turizmu, poljoprivredi, tako i u privredi uopšte. Obećao sam da će se Regionalna privredna komora Zaječar potruditi da ova manifestacija postane tradicionalna i da ćemo nastojati da svaki naredni sajam bude još bolji. Mišljenja sam da u tome i uspijevamo. Raznovrsnost i kvalitet izloženih proizvoda impresionira, u šta ćete i sami uveriti. Prisutno je više od 100 izlagača, koji kroz proizvodnju ljekovitog bilja, vina i rakija, meda i proizvoda od meda, mlijeka, ruktovrina i drugih proizvoda imaju priliku da promovišu svoj kraj, što i jeste prava svrha ove manifestacije. Sajam je međunarodnog karaktera i sa zadovoljstvom mogu da kažem da imamo goste i izlagače iz Austrije, Grčke, Bosne i Hercegovine, Slovenije, Rumunije, Bugarske kao i iz svih krajeva Srbije, što nam s druge strane stvara obavezu da naredni budu još bolji i zapaženiji. Naglasio bih da je 16. oktobar SVJETSKI DAN ZDRAVE HRANE, a u Srbiji je mjesec oktobar, mjesec promocije pravilne ishrane i fizičke aktivnosti, tako da nije slučajnost što je Sajam u Zaječaru organizovan baš sada. Na kraju, zahvalio bih se za pomoć u organizaciji sajma svim izlagačima iz zemlje i inostranstva, Nacionalnoj agenciji za regionalni razvoj, koja nam je besplatno ustupila kompletan prostor za sajamsku izložbu i prateće programe a bez kojih bi bilo skoro nemoguće organizovati ovakvu vrstu manifestacije, koja je od ogromnog značaja kako za grad Zaječar tako i za Timočki region." Takođe bih se zahvalio kolegama iz svih privrednih komora kako iz Srbije tako i iz regiona u okruženju, Gradu Zaječaru, ostalim opštinama iz Zaječarskog i Borskog okruga na nesebičnoj pomoći. Hvala svima koji su prepoznali regionalni značaj Privredne komore Zaječar, kao i svim novinarima i medijima koji su pratili Sajam od samog početka njegovog održavanja.





## 21. Generalni BH sajam

### ODRŽAN „ZEPS 2014“

Više izlagača nego prošle godine – Država treba više pomoći privredi - Platforma za prezentaciju privrednika na domaćem i međunarodnom tržištu

U Zenici je, na sajmištu Kamberovića polje, održan 21. generalni bh sajam „ZEPS 2014“. Kako su istakli organizatori, velike posljedice poplava koje su zadesile Bosnu i Hercegovinu u maju ove godine, osjetile su se i na organizaciji ovogodišnjeg ZEPS-a. No, i pored toga, kako je istaknuto na svečano otvaranju, okupilo se na ovoj značajnoj sajamskoj manifestaciji više izlagača nego prošle godine. Sajam je otvorio Nermin Nikšić premijer Federacije BiH. Istakao je kako je privreda u Federaciji pokazala izuzetnu vitalnost i snagu, a naši poduzetnici sposobnost da izađu na kraj i sa najtežim problemima. Tome svjedoči i ovogodišnji sajam ZEPS koji je okupio izlagače iz 21 zemlje svijeta, koji ove godine ima 350 izlagača, što je, navodi, broj sa kojim se organizatori sajma mogu ponositi.



“Država kroz svoje institucije treba privredi pomoći više. Koliko god uložimo u pomoć i poticaj privredi, malo je, jer će povrat toga biti višestruk. To je obaveza svih vlada u svojoj zemlji i na tome se treba raditi neprestano. Siguran sam da će i ovaj sajam doprinijeti uspostavi poslovnih kontakata, ugovaranju novih poslova i otvaranju novih radnih mjesta”, kazao je na otvaranju premijer Nikšić. Direktor sajma ZEPS Vedad Šestić je kazao da je osnovni razlog postojanja ovakvog sajma spajanje ekonomija na mikro i makromplanu. “ZEPS je do sad uvijek bio važna spona i mjesto okupljanja velikih i uspješnih poslovnih ljudi i firmi iz čitavog svijeta. Želja nam je i obaveza da i ove godine to učinimo”, naveo je direktor Šestić. Dodao je da je sajam mjesto okupljanja inovatora i stručnjaka iz svih krajeva svijeta čija iskustva bi mogla biti od pomoći da velike katastrofe koje su nas već u nekoliko navrata zadesile ublažimo i preduhitrimo. Premijer ZDK-a Munib Husejnagić je istaknuo da je ovo mjesto susreta i razmjene iskustava. „Veoma je važna činjenica da ZEPS istrajava u održavanju privrednih susreta na visokoj razini. Danas su nam toliko potrebna dešavanja na kojima možemo sagledati vlastite vrijednosti i isto tako procijeniti perspektive razvoja”, istakao je premijer Husejnagić.

Dodao je da ovaj sajam istovremeno predstavlja odličnu platformu za prezentaciju privrednika na domaćem i međunarodnom tržištu. Načelnik Općine Zenica Husejin Smajlović istakao je kako se u proteklih godinu dana desilo puno toga ružnog, ali isto tako i puno toga lijepog. “Više od poplava u kojim je općina Zenica pretrpila štetu u iznosu od tri godišnja budžeta, brine ambijent u kome dominira strah od svega i svačega. A tu je prije svega strah od činjenja, od promjena i uspjeha. Nadam da će ovakvi skupovi rastjerati te strahove ili barem smanjiti njihov intenzitet” rekao je načelnik Smajlović.



U ime Vanjskotrgovinske komore Bosne i Hercegovine (VTK BiH) svečanom otvaranju nazočili su dopredsjednik Bruno Bojić i generalni tajnik Nihad Bajramović. “Ovogodišnji sajam po svom sadržaju, opsegu, tematskim cjelinama i sudionicima može poslužiti kao uzor ne samo sajmovima u BiH, nego i šire. Veliki uspjeh je da se sajam, koji predstavlja najširu sliku stanja proizvodnih dostignuća u Bosni i Hercegovini, održao unatoč teškoj ekonomskoj situaciji u zemlji”, rekao je na ceremoniji svečanog otvaranja dopredsjednik Bojić. Inače, na ovoj privrednoj smotri, kao i ranijih godina, veoma zapažene su bile kolektivne izložbe nekoliko država. Kolektivni nastup na ovogodišnjem ZEPS-u su imale privredne komore Slovenije, Češke i Hrvatske, Zeničko-dobojskog i Srednjobosanskog kantona, te Kantonalna privredna komora Tuzla koja je svoje članica predstavila na zajedničkom izložbenom prostoru privrede Bosne i Hercegovine. Prezentacije na sajmu su upriličili i JP Elektroprivreda BiH i BH Telecom. Od stručnih manifestacija, što je već postalo tradicionalno, održan je Forum metalne industrije BiH sa koga je poslovna i naučna zajednica uputila poruke izvršnim i zakonodavnim organima za poboljšanje ambijenta u kome privređuje ova vodeća industrijska grana. Uz ovogodišnji 21. generalni bh. sajam ZEPS održan je i 11. Međunarodni sajam metala ZEPS Intermetal na kojem je učestvovalo 69 izlagača.





## POSAO NA ODREĐENO VRIJEME U RUDNIKU "KREKA" U TUZLI DOBIT ĆE 87 LJUDI



U skladu sa planom za period 2014.-2016. godina, JP Elektroprivreda BiH d.d.-Sarajevo, Zavisno društvo Rudnici "Kreka" d.o.o.-Tuzla donijelo je Odluku o zapošljavanju i o načinu izbora zaposlenika. Devetog oktobra ove godine objavljen je konkurs za prijem 87 radnika na određeno vrijeme. U posljednji pet godina Rudnik "Kreka" u Tuzli nije primio ni jednog radnika, kaže direktor ovog preduzeća, Enver Omazić. Za to vrijeme veliki broj radnika je stekao uslove za penziju zbog čega se javila potreba za upošljavanje nove radne snage. Direktor Omazić kaže da ovaj broj nije dovoljan. Potrebe za prijem radnika i bolje poslovanje rudnika su mnogo veće. **"Znamo da rudnik stvara invalide. Imamo oko 850 invalida i treba nam novih radnika. U narednom periodu ćemo pokrenuti još jedan konkurs za prijem radnika u rudnik "Kreka",** ističe direktor Omazić. Konkurs je otvoren 9. i trajao je do 22. oktobra ove godine. Interesovanje je bilo veliko, prijavilo se oko dvije hiljade kandidata. Prema mišljenju menadžmenta rudnika treba pružiti nadu mladim ljudima da počnu raditi, zasnivati porodice i konačno počnu osjećati korist od ove države. Osamdeset sedam radnika koji prođu konkursnu proceduru i provjeru spremnosti za rad u rudniku bit će primljeni na određeno vrijeme, u trajanju do 6 mjeseci.

### ŠIRBEGOVIĆ GRADI ZA PLAMINGO

Širbegović završava montažu armirano-betonske konstrukcije na poslovno-skladišnom objektu Plaminga u Gračanici površine cca 6000 m<sup>2</sup>. Korisno opterećenje na ploči spratova je 3000kg/m<sup>2</sup>, što objekat čini izuzetno zahtjevnim. **"Na ovaj objekat smo posebno ponosni jer predstavlja odličnu promociju naših mogućnosti. Posebno nam je važno da je investitor jako zadovoljan kvalitetom, rokom i cijenom. Koristimo priliku da se zahvalimo našem investitoru na izuzetno korektnom odnos",** rekli su za eKapiju u Širbegoviću. S obzirom na zahtjevnost objekta, projektovanje, proizvodnja i montaža su izvršene u rekordnom roku, uz uvažavanje svih zahtjeva investitora.



### OBAVJEŠTENJE O AKREDITACIJI

Obavještavamo vas da je PZU Zavod za biomedicinsku dijagnostiku i ispitivanje NALAZ, ispunio sve zahtjeve standarda BAS EN ISO/IEC 17025:2006 u pogledu osposobljenosti za izvođenje mikrobioloških ispitivanja hrane, stočne hrane i vode, te dobio CERTIFIKAT O AKREDITACIJI!. PZU Zavod za biomedicinsku dijagnostiku i ispitivanje NALAZ d.o.o. ovlašten je od strane državnih organa za obavljanje laboratorijskih ispitivanja hrane, hrane za životinje i vode, te ima odgovornost i opredjeljenje da zadrži lidersku poziciju u ovoj oblasti, odnosno da stalno istražuje, prepoznaje i ispunjava zahtjeve svih relevantnih zakona, standarda i novih naučnih i laboratorijskih praksi, kako bi u svakom trenutku obezbijedili rezultate ispitivanja koji će biti pouzdani i tačni. Zavod NALAZ je Vaš vjerni partner u obezbijedenju kvalitete Vaših proizvoda, kao i u Vašim naporima da osvojite tržište Evrope!



## B&H STAINLESS GRADI PROIZVODNU HALU U TUZLI



Firma B&H Stainless d.o.o., osnovana krajem 2007. godine u Lukavcu, jedna je od vodećih firmi u Bosni i Hercegovini koja se bavi opremanjem hotela, restorana, picerija, kafića, pekara, mesnica sa profesionalnom opremom za kuhinje šankove i sve vrste enterijera sa vlastitom proizvodnjom, uslugama i servisiranjem, te vrši usluge sječenja, probijanja, prosjecanja i savijanja sa CNC mašinama. Za manje od sedam godina postojanja kompanija je svojim kvalitetnim proizvodima stekla visok rejting u Bosni i Hercegovini. Njen vlasnik i direktor je Sanel Karabegović, koji je iskustvo i znanje u proizvodnji opreme od inoxa stekao u Italiji gdje je punih 18 godina radio u maloj tvornici koja pravila opremu od inoxa. U razgovoru za portal eKapija.ba ističe da je njegov rad i stručnost bio zapažen od strane vlasnika, pa je osam godina bio direktor fabrike koja je zapošljavala 70 radnika. Međutim, odlučio se vratiti u BiH i otvoriti sličnu firmu. Tako sada ova kompanija zapošljava 30 radnika i prema njegovim riječima, nema šta ne može napraviti od inoxa. **“U lukavačkoj poslovnoj zoni, proizvodi se oprema za hotele, restorane, kafiće, bolnice, kompletna neutralna oprema za ugostiteljstvo – šankovi, roštilji, ograde od inoxa, medicinska oprema i to sve po HACCP sustavu”,** priča Karabegović. Posebno ističe da su kod pružanja usluga od prvog momenta sa klijentom kako bi pomogli u projektovanju objekta, radeći pritom sa vrhunskim domaćim arhitektama kao što su Amir Vuk Zec i Sanel Teskeredžić. Također, pored projektovanja kuhinje rade projektovanje svih mikrolokacija u objektu (struja, voda, plin itd.), te na taj način uveliko olakšavamo posao klijentu. Iako smatra da ambijent za privrednike u našoj zemlji može biti bolji, generalno je zadovoljan učinkom u protekloj godini. **“Nastavili smo sa opremanjem vrhunskih restorana i hotela, a jedan od njih je Sushi bar u Sarajevo City Centru što nam je bio poseban izazov. Također, učestvali smo u opremanju prve bečke slastičarne u Sarajevu Aida, gdje se nalaze naše vitrine i šankovi, ali i Garden City u Konjicu te Hotel Bristol sa kompletnim vešerajem, kuhinjom, šankovima, vitrinama”,** ističe on. Rejting koji su stekli ne žele da izgube. Naprotiv, uskoro kreću sa velikom investicijom odnosno gradnjom vlastite proizvodne hale u kojoj će zaposliti još radnika. **“Iduće godine započinjemo gradnju hale u Tuzli od 6.000 kvadrata za koju imamo idejno rješenje, a trenutno radimo na glavnom projektu. Upravo u njoj će se preseliti dvije proizvodnje iz Italije, zahvaljujući čemu će biti uposleno još 70 osoba.**

Osim toga, hala će biti opremljena najnovijom tehnologijom, uključujući nove prese i ultra robote, tako da ćemo u roku od dvije godine biti jedna od najjačih firmi u sektoru inoxa”, optimističan je Karabegović, ističući da se ne boje velikih investicija zahvaljujući znanju i stručnosti koje posjeduju. Inače, kompanija B&H Stainless prati svjetsku scenu i saraduje s mnogim firmama iz inostranstva. Tako su njeni partneri najpoznatije evropske firme koje rade sa inoxom, poput Angelo Po, Emmepi kuhinje, Eurfrigor ledomati, Omniwash perilice za čaše, Pizza Group – oprema za picerije, zatim firma Sirman koja pravi mesoreznice, Frigomehanika – gotovi šankovi i vitrine, Starmix – mješalice za tijesto itd.

### BH TELECOM NAGRAĐUJE 35 ŠKOLA



Kompanija BH Telecom je i ove godine organizovala nagradnu igru za osnovne, srednje i specijalne škole pod nazivom “Zašto je moja škola COOL?”. Takmičenje je počelo 1. oktobra, trajat će do 15.12.2014. godine, a odvijat će se u tri ciklusa, saopćeno je iz BH Telecoma, prenosi bh. novinska agencija Patria. Za učešće u nagradnoj igri je potrebno izvršiti prijavu škole za takmičenje, postaviti sadržaj/video zapis o svojoj školi u trajanju do 3 minute na Facebook page-u BH Telecoma te sakupiti najviše lajkova na postavljeni sadržaj. Po okončanju nagradne igre bit će objavljen spisak 35 škola pobjednica kojima će BH Telecom dodijeliti nagrade. Ovogodišnji nagradni fond takmičenja je 175 računara, 70 multifunkcijskih uređaja i odgovarajuća mrežna oprema u vrijednosti od 200.000 KM. BH Telecom je, organizacijom 13 nagradnih igara za škole, u proteklom periodu dodijelio preko 2200 računara i 900 multifunkcijskih uređaja za opremanje više od 400 škola u BiH. Ulaganje u obrazovanje mladih je jedan od najvažnijih stubova društvene odgovornosti BH Telecoma. Osnovni cilj nagradnog takmičenja je opremanje škola potrebnom računarskom opremom, kao i podsticanje društveno odgovornog djelovanja mladih kroz njihov aktivan odnos prema zajednici, obrazovanju, okolišu, kulturi i tradiciji. Više informacija o nagradnom takmičenju je dostupno na web stranici [www.bhtelecom.ba](http://www.bhtelecom.ba) kao i putem e-mail adrese: [nagradna.igra@bhtelecom.ba](mailto:nagradna.igra@bhtelecom.ba).



Zbog čega se treba uključiti u sistem upravljanja ambalažnim otpadom...

## KLJUČNA ULOGA OPERATERA SISTEMA UPRAVLJANJA AMBALAŽNIM OTPADOM

Bh privrednici dužni su da se uključe u neki od bh. operatera sistema upravljanja ambalažnim otpadom. Donošenjem Pravilnika o upravljanju ambalažom i ambalažnim otpadom kojim je detaljno regulisana ova oblast zapravo je došlo do uspostavljanja, odnosno početka uspostavljanja integriranog modela sistema upravljanja ambalažnim otpadom. Ključnu ulogu, pored bh. privrednika, u čitavom sistemu ima operater sistema upravljanja ambalažnim otpadom koji je zapravo tu da u ime svih onih koji se uključe u sistem preko operatera ispuni zakonske obaveze odnosno obaveze koje su propisane u navedenom pravilniku. Lidija Tomić, direktorica Eko života za čitaoc portal eKapija.ba pojašnjava zbog čega se bh privrednici moraju i trebaju uključiti u sistem upravljanja ambalažnim otpadom, koje su zakonske mjere predviđene za neuključivanje, te koje su firme obuhvaćene ovim pravilnikom. **“Obaveze koje su propisane Pravilnikom odnose se na sve one koji plasiraju proizvode u ambalaži na tržište Federacije BiH. To podrazumijeva da je proizvođač, uvoznik, punilac, paker, distributer i krajnji snabdjevač obavezan da se priključi u sistem upravljanja ambalažnim otpadom i odgovoran je za postizanje propisanih ciljeva. Svoje obaveze odnosno odgovornost za postizanje ciljeva proizvođač, uvoznik, punilac, paker, distributer i krajnji snabdjevač mogu prenijeti direktno na operatera sistema. Poznato je da je naša zemlja zauzela stav da svoje zakonske akte uskladi sa evropskim standardima. Usklađivanje zakonskih akata iz segmenta okoliša je svakako jako bitno. Usvajanja i primjenjivanje direktiva i ostalih propisa u oblasti zaštite okoliša u dobroj mjeri bilježi napredak. Međutim, nije dovoljno usvojiti propise, ono što je zapravo jednako bitno je implementacija odnosno primjena tih propisa na najbolji mogući način. Implementacija i primjena propisa, evropskih standarda se u biti i „dešava“ donošenjem ovakvog pravilnika u skladu sa EU direktivom kao i otvaranjem vrata i davanjem mogućnosti uspostavljanja operatera sistema koji ima za cilj uspostaviti čvrst i jak sistem upravljanja ambalažnim otpadom”**, pojašnjava direktorica Tomić.



Ovaj pravilnik je stupio na snagu 2012. godine i obavezan je za sve privredne subjekte. Značajan broj subjekata se uključio u sistem, naglašava direktorica Tomić ističe da se prilikom uspostavljanja kontakata sa privrednim subjektima stedaop dojam da znatan dio privrednika nije ni bio upoznat sa odredbama pravilnika. **“Ima i ogroman broj privrednih subjekata koji se nisu uključili u sistem, ali moram priznati da iz dana u dan taj broj opada odnosno sve je veći broj onih koji žele svoje povjerenje**

**ali i obaveze prenesu na EKO ŽIVOT kao najpovoljnijeg operatera sistema”** ističe direktorica Tomić. Kako je istakala, Eko život kao operater sistema upravljanja ambalažnim otpadom ima za cilj uspostaviti čvrst i efikasan sistem upravljanja ambalažnim otpadom. “Pokušavamo u što manjoj mjeri opteretiti privredne subjekte, obzirom da znamo u kakvoj se situaciji nalazi privreda u BiH. Eko život kao najpovoljniji operater sistema nudi najniže naknade koje su privrednici dužni platiti prilikom stavljanja svojih proizvoda u ambalaži na tržište, odnosno kako bi subjekti ispunili svoje obaveze propisane Pravilnikom. Također pored toga što smo najpovoljniji operater, Eko život ima potpisane ugovore sa respektabilnim privrednim subjektima, mi ih nazivamo “sakupljačima”, koji vrše usluge od prikupljanja, preuzimanja, transporta, sortiranja, baliranja, do reciklaže ambalažnog otpada kod ovlaštenog prerađivača”.



U firmi Eko život su zadovoljni do sada učinjenim i stava su kako su i privrednici prepoznali njihovu transparentnost, iskrenost, ali i povjerljivost. Rad Eko život-a se zasniva na principima poštovanja zakonske regulative, ispunjavanja svih zakonskih uslova i obaveza koje su propisane, a koje su prilikom dobijanja dozvole „preuzeli”. Posluju na principu neprofitnog društva, što znači da sva sredstva odnosno eventualnu dobit imaju namjeru, a to i čine, usmjeriti u razvoj i jačanje infrastrukture odnosno jačanje sistema upravljanja ambalažnim otpadom. I ono na što je zapravo možda i najbitnije za privredne subjekte a to su najniže naknade odnosno princip što manjeg opterećenja privrednih subjekata. Značajna stavka je i njihov pristup u pojašnjavanju posljedica za privredne subjekte ako se ne uključe u sistem upravljanja ambalažom. “Kao i za svaki drugi, tako i nepoštovanje ovog Pravilnika propisuje kaznene odredbe, bilo da je subjekt uključen u sistem putem operatera ili izvještavanja o količini ambalaže prema Fondu za zaštitu okoliša FbiH, a obaveza prema ovom Fondu su mnogo veće. Obaveza ne zastarijeva od 2012. godine pa na dalje”, ističe Tomić. Značajno je pomenuti da se efikasnim djelovanjem Operatera sistema smanjuje se, ponovno iskorištava i reciklira veoma značajna količina otpada što je zapravo i osnov održivog upravljanja prirodnim resursima, zaštite i unapređenja okoliša. Samim tim smanjuje se broj divljih deponija, smanjuju se količine otpada na deponijama. Sve više obveznika se uključuju u sistem i time pokazuju društvenu odgovornost, a vjerujem da i u tome ima naše zasluge. Eko život strateške ciljeve zasniva na principu prevencije – u cilju očuvanja prirodnih resursa, principu reciklaže i ponovnog korištenja i principu unapređenja finalnog odlaganja. Eko život je na „tržištu“ nepunih pola godine, poduzeli su značajne aktivnosti i projekte u saniranju posljedica poplava u BiH, uključeni su u akciju “Let’s do it – očistimo zemlju za jedan dan”, implementiraju projekat postavljanja “zelenih otoka”. Sigurnim koracima idu ka ostvarenju cilja, postati liderom u pružanju najkvalitetnijih usluga korisnicima u oblasti upravljanja ambalažnim otpadom.



Nova usluga BH Telecoma...

## „ETHERNET VOD“ OD 1. NOVEMBRA

**Normalizovan saobraćaj unatoč svi problemima** Korisnici pripremljeni za set novih i unaprijeđenje postojećih usluga

**BH Telecom, RD Tuzla je unatoč svim problemima sa kojima je zajedno sa korisnicima na ovom prostoru bio suočen tokom 2014. godine, ipak uspio i normalizirati saobraćaj i ostvariti postavljeni poslovni plan**, poruka je menadžmenta RD Tuzla. Još jednom je potvrđeno da ova RD ima značajan udio u ukupnom napretku i razvoju BH Telecoma kao lidera TK tržišta vođenog društveno odgovornim poslovanjem. „Na nivou Društva uspjeli smo za korisnike pripremiti i set novih, ali i unaprijeđenje postojećih usluga, pa smo s razlogom ponosni i na ostvarene rezultate i na naše korisnike koji nas motiviraju da izdržimo kad je najteže i nastavimo davati više“, kazala je PR BH Telecoma RD Tuzla, Eila Vicković, i dodala „To je razlog za još jedan susret sa velikim korisnicima, i ove godine planiran za novembar, kada ćemo im na simboličan način ukazati zahvalnost za lojalnost i saradnju.“

### **Nova usluga BH Telecoma, Ethernet vod, koja se uvodi u ponudu od 1. novembra ove godine,**

predstavlja zamjensku uslugu klasičnim TDM vodovima, u sklopu koje je korisnicima omogućen, za njihovo poslovanje, zagarantovani simetrični transparentni prenosni kapacitet između dvije lokacije/tačke.

Bitnu prednost Ethernet usluge, u odnosu na usluge prenosa podataka zasnovane na TDM tehnologiji, predstavlja veliki raspon mogućih brzina veza tačka-tačka do 1 Gbps. Ethernet usluga pruža korisniku garantovani kapacitet s kraja na kraj, uz obezbijeđenu pouzdanost, sigurnost i privatnost.

U okviru usluga fiksnog pristupa Internetu, uvode se sljedeća unaprijeđenja:


- za uslugu Business- sniženje cijene mjesečne naknade za sve pristupne brzine;
- za uslugu Business Pro- sniženje cijene mjesečne naknade za većinu pristupnih brzina iz ponude;
- za uslugu Eduka- sniženje cijene mjesečne naknade za brzinu 10/10 Mbps, te uvođenje novog, dodatnog seta brzina za simetrični pristup Internetu i to: 4, 6, 8, 15, 20 i 50 Mbps.

Osim navedenog, pretplatnici usluga Fiksni pristup Internet mreži zagarantovanim/dijeljenim opsegom, odnosno korisnici paketa usluga Business Pro i Eduka od 1. novembra 2014. godine imaju mogućnost popusta na iznos mjesečne pretplate po osnovu dužine obaveznog trajanja ugovora, i to: za dužinu trajanja ugovora od 1 godine - 20% popusta, a za dužinu trajanja ugovora od 2 godine - 30% popusta.



Ostale, detaljne informacije u vezi sa unaprijeđenjima ponude usluga za prijenos podataka i pristupa Internet mreži putem fiksne mreže BH Telecoma dostupne su korisnicima putem linka <http://www.bhtelecom.ba/index.php?id=6063> Unaprijeđenje ponude usluga, ili putem besplatnog info telefona za poslovne korisnike 1322, putem menadžera velikih korisnika, kao i na svim prodajnim mjestima BH Telecoma.

### QUDAL zlatna medalja za BH Telecom



Medalja QUDAL BUSINESS dodjeljuje se onim proizvodima i uslugama koji potrošaču nude najveću razinu kvalitete, na osnovu tržišnih istraživanja.

BH Telecom je dobio priznanje QUDAL – Quality Medal BUSINESS Bosnia and Herzegovina 2014/2015, prestižnu zlatnu medalju koja je još jednom potvrdila superiornost na telekomunikacijskom tržištu. Prema provedenom istraživanju švajcarske kompanije ICERTIAS pod nazivom QUDAL Business






BH Telecom je izabran za prvu kompaniju prema kvalitetu pružanja usluga. BH Telecom je osvojio najveći broj glasova ispitanika i prvo mjesto u QUDAL istraživanju tržišta u BiH, u najmanje jednoj od ispitanih kategorija.



Certifikat QUDAL eliminira faktor cijene, i oslanja se isključivo na ocjenu kvalitete proizvoda, odnosno usluge. Programom QUDAL se želi skrenuti pažnja potrošača na važnost kvalitete i pravo svakog kupca da zahtijeva vrhunsku kvalitetu na tržištu. Brojne vodeće međunarodne kompanije već aktivno koriste prestižnu zlatnu medalju QUDAL – Quality meDAL, uključujući i : Mercedes, T-Mobile, Unilever, Nestle, guess, Intersport, HP, Pernod Rickard, Unicredit, Lagermax, Murexin, i dr.

## „ETHERNET VOD“ OD 1. NOVEMBRA



U Povodu ovogodišnjeg Dana BH Telecoma javnosti je prezentirana nova monografija o BH Telecomu. BH Telecom kao nosioci razvoja elektronskih komunikacija u Bosni i Hercegovini u ovoj monografiji govori o razvoju telekomunikacija i, naravno, o sopstvenoj ulozi i doprinosu u omogućavanju komunikacije među ljudima, odnosno informatizaciji našeg društva.

Riječ je o desetoj Monografiji BH Telecoma i predstavlja priču o vremenu i prostoru, fokusiranoj na BH Telecomu, o tome kako BH Telecom razmišlja i definiše svoj strateški razvoj, te o faznom razvijanju usluga i komunikacijskih poslovnih rješenja, prije svega, polazeći od prikaza kako se oblikuje vizija i definiše poslovna misija kao osnov za dalje strateško planiranje i uspješnost poslovanja.

## JEDINSTVEN PRISTUP

Internetu "bilo kad i bilo gdje!"  
TopInternet objedinjava dvije usluge:  
xDSL i mobilni pristup  
Internetu - mInternet.

**TopInternetet ponuda  
bolja nego ikad**

Top BH Telecom je unaprijedio uslugu TopInternet uvođenjem u ponudu Paketa sa komponentom mobilnog Interneta po "flat" principu, sa snižavanjem pristupne brzine po dostizanju količine mobilnog Internet saobraćaja uključenog u paket, bez dodatne naplate po prekoračenju.

Uz postojeće TopInternet Pakete 1, 2 i 3, možete izabrati:

- TopInternet Flat Paket 1, po mjesečnoj cijeni od 29,25 KM, uz 750 MB mobilnog Internet saobraćaja (upload i download);
- TopInternet Flat Paket 2, po cijeni od 40,95 KM, uz 3 GB mobilno g Internet saobraćaja (upload i download) i
- TopInternet Flat Paket 3, po mjesečnoj pretplati od 52,65 KM, uz 7 GB mobilnog Internet saobraćaja (upload i download).

*Sve iskazane cijene u oglasu su sa uključenim PDV-om.*



Iz Kantonalne privredne komore Tuzla...

## POVEĆAN BROJ ČLANICA KOMORE

Ukupno 6 privrednih subjekata novi članovi Komore

Kada je u pitanju članstvo u Kantonalnoj privrednoj komori Tuzla, zadovoljstvo je istaći kako se nastavlja trend povećanja broja članica, iz mjeseca u mjesec. U posljednjih dva mjeseca velikom broju privrednih subjekata koje su potpisale članstvo u Komoru, pridružilo se još šest. Riječ je o sljedećim firmama koje su se odmah po učlanjenju u Komoru, aktivno uključile u rad granskih udruženja te u sudjelovanje na sajamskim manifestacijama u okviru zajedničke sajamske postavke pod nazivom "Privreda TK". To su "Kosal" doo Tuzla, Obrtnička djelatnost "Proorg" Novi Grad – Sarajevo, "Farmacop" doo Čelić, "Stationery" doo Tuzla, "Hazre Tours" doo Srebrenik, "Drampek" doo Tuzla

stručni saradnik u Uredu za pružanje informacija o ATA sistemu i izdavanje ATA karneta Vanjskotrgovinske komore u Tuzli. Sve dodatne informacije, kao i potrebne upute o ATA sistemu i obrasce, zainteresirani mogu pronaći na web stranici Vanjskotrgovinske komore BiH [www.komorabih.ba](http://www.komorabih.ba) ili direktno – na osnovu dole navedenih kontakt informacija kao i u Uredu Vanjskotrgovinske komore Bosne i Hercegovine u Tuzli pri Kantonalnoj privrednoj komori Tuzla - Trg slobode bb 75000 Tuzla - Tel/fax. +387/35/258-266 i Fax:+387/35/258-271, Email: [atatz@komorabih.ba](mailto:atatz@komorabih.ba) - kontakt osoba: Suada Rekić.



Izdavanje ATA karneta...



Usavršavanje počelo 1. novembra

USAVRŠAVANJE ZA ČLANOVE  
NADZORNIH ODBORA I UPRAVA

### OBRAČUNSKI PERIOD JUNI-OKTOBAR 2014. GODINE

Ukupno 205 zahtjeva u pet mjeseci

U 2014. godini je nastavljeno izdavanje ATA karneta u Uredu Vanjskotrgovinske komore Bosne i Hercegovine u Tuzli pri Kantonalnoj privrednoj komori Tuzla. Podizanje dokumenata vrši se na mjestu gdje je zahtjev i podnesen. "Kada su u pitanju izdati ATA karneti i dodatni listovi u ovoj godini, dakle, u periodu od 15. juna do 25. oktobra, pristiglo je ukupno 154 zahtjeva. Od toga su bila 91 zahtjev za izdavanje ATA karneta i 63 zahtjeva za izdavanje dodatnih listova za ATA karnet. Od 91 zahtjeva za izdavanje ATA karneta, 59 zahtjeva su podnijela fizička lica iz sljedećih opština: Tuzla, Živinice, Srebrenik, Tešanj, Orašje, Bratunac, Miričina, Zvornik, Brčko, Bijeljina, Lukavac, Kalesija, Bosanski Šamac, Gradačac, Šerići, Gračanica i Odžak a 32 zahtjeva su podnijele firme iz Tuzle, Gračanice, Lukavca, Gradačca, Čelića, Miričine, Tešnja, Brčkog, Bijeljine, Šamca, Kalesije, Odžaka i Zvornika. Ukupno 50 fizičkih lica podnijeli su zahtjev za izdavanje dodatnih listova, a 19 zahtjeva stiglo je u ime privrednih društava", izjavila je Suada Rekić



## KANTONALNA PRIVREDNA KOMORA TUZLA


Kantonalna privredna komora Tuzla završila je prikupljanje prijave za usavršavanje kandidata za članove nadzornih odbora i članove uprava privrednih društava sa učešćem državnog kapitala, na osnovu Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala. Obavještavaju se svi prijavljeni kandidati, da je usavršavanje počelo u subotu 1. novembra u 10,00 sati. Usavršavanje su obavezni proći predsjednici i članovi nadzornih odbora i uprava privrednih društava u kojima ovlasti po osnovu učešća državnog kapitala vrše Federacija BiH, kantoni/županije, gradovi ili općine. Usavršavanju može pristupiti i svaka druga osoba koja ispunjava uslove predviđene odredbama člana 260. Zakona o privrednim društvima ("Službene novine F BiH br. 23/99, 45/00, 2/02, 6/02, 29/03, 84/08, 88/08 i 7/09). Svi kandidati za dodatne informacije mogu nas kontaktirati putem e-maila: [edina@kpktz.ba](mailto:edina@kpktz.ba) i dobiti prijavni obrazac i sve dodatne informacije.

D.K.




## INFORMACIJA O PRIVREDNIM KRETANJIMA U TUZLANSKOM KANTONU ZA PERIOD I – VIII 2014. GODINE

U periodu januar - avgust 2014. godine, ostvaren je rast obima industrijske proizvodnje u odnosu na isti period prošle godine u vrijednosti od 5,9%. Privreda Tuzlanskog kantona u avgustu 2014. godine u odnosu na prosjek 2013. ostvarila je rast industrijske proizvodnje od 5,1%. U odnosu na isti period 2013. prerađivačka industrija ostvaruje rast od 8%, vađenje ruda i kamena 3,6%, a proizvodnja i snabdijevanje električnom energijom 9,1%.




U devet mjeseci 2014. godine iz Tuzlanskog kantona ukupno je izvezeno proizvoda u vrijednosti od 832.949.000 KM što je u odnosu na isti period prošle godine rast od 6,21%. U isto vrijeme je došlo do rasta uvoza od 1,42% te je uvezeno roba u vrijednosti od 946.982.000 KM. Pokrivenost uvoza izvozom je 87,96%, a u istom periodu prošle godine je bila 83,99%. Vanjskotrgovinski deficit je 114.032.000 KM.



Najznačajniji vanjskotrgovinski partneri Tuzlanskog kantona su Njemačka, Slovenija, Italija, Hrvatska i Austrija.

Prema podacima Federalnog zavoda za zapošljavanje, u avgustu 2014. godine u Tuzlanskom kantonu je bilo zaposleno ukupno 81.115 osoba. U odnosu na prethodni mjesec, broj zaposlenih je manji za 0,3%, dok je u odnosu na prosjek 2013. godine broj zaposlenih veći za 0,6%. Prerađivačka industrija i trgovina zapošljavaju najviše osoba. Prema podacima Federalnog zavoda za zapošljavanje, u septembru 2014. godine je registrovano 99.316 nezaposlenih osoba ili 0,6% manje u odnosu na avgust 2014. Prema stručnoj spremi, najviše je KV i NKV radnika, a slijede osobe sa srednjom stručnom spremom.

	Nezaposlenost (IX 2014)
<b>UKUPNO</b>	<b>99.316</b>
Banovići	5.547
Čelić	2.679
Doboj-Istok	2.739
Gračanica	9.671
Gradačac	7.662
Kalesija	9.020
Kladanj	2.783
Lukavac	11.271
Sapna	2.605
Srebrenik	8.667
Teočak	1.884
Tuzla	20.475
Živinice	14.313



Prosječna neto plata u Tuzlanskom kantonu je iznosila 745,00 KM što je ispod prosjeka Federacije BiH. U odnosu na kantonalni prosjek iz 2013. godine, došlo je do rasta neto plaća za 0,9%. Najviše prosječne neto plate u Tuzlanskom kantonu su u sektoru proizvodnje i opskrbe el.energijom, dok su najniže prosječne neto plate u građevinarstvu.

Kupovina na rate

BEZ  
KAMATE  
I NAKNADE

## Više mogućnosti, više slobode!

Sa kreditnom MasterCard Charge karticom NLB Banke

Izaberite jednostavan i siguran način plaćanja sa MasterCard Charge karticom NLB Banke, koja Vam pored odgođenog plaćanja do 50 dana, od sada omogućava i plaćanje na rate.

- **Gdje?** Na prodajnim mjestima koja su označena naljepnicom Banke „Kupovina na rate“
- **Na koliko rata?** Do 12 rata, bez kamata i dodatnih troškova
- **Iznos kupovine?** Zavisno od visine raspoloživog limita na Vašoj MasterCard Charge kartici
- **Dodatna dokumentacija?** Nije potrebna

Još uvijek nemate NLB MasterCard Charge kreditnu karticu?  
Posjetite najbližu poslovnicu NLB Banke i zatražite svoju karticu!

NLB  Banka  
*Znam zašto.*